



UNIVERSITÄTS-
BIBLIOTHEK
PADERBORN

Universitätsbibliothek Paderborn

Stvdivm Veræ Sapientiaë

Vivo, Agostino di

München, M.DCI.

Cap. 34. Wie gefährlich bißweiln die Eltern vnd Freunde seyen einem Menschen/ der numehr dahin stirbt vnd in den lesten Zügen ligt.

[urn:nbn:de:hbz:466:1-47828](https://nbn-resolving.org/urn:nbn:de:hbz:466:1-47828)

Wosern aber du ohne auffrichtung eines Testaments oder Inuentarij sterben soltest/ magstu alsdann geschwindt/ ohne alles hinder sich gedencen/ beselchen vnd verfügen/ das die schuldige restitutiones alsbald geschehen/ so wol auch etliche suffragia für dem heyl deiner Seelen: Im vbrigen aber verwiß vnd verachte alle sorg vnd kümmernuß/ die dir der böß Feindt verursacht wegen der dispensation deiner Güter/ Vnd mercke mehrers auff das heyl deiner Seelen/ weder auff die noch deines Haushaltes/ doch dz die Gesetz vnd die Obigkeit ihnen alsigniren vnd bestimmen könne/ was ihrer jedem gebürt vnd zusiehet: Wosern du aber auß diesem Leben scheidest im Standt der verdammnuß/ so können alsdann weder deine Eltern/ Freunde vnd Verwandten/ noch all dein Gut/ dir im wenigsten nichts helfen/ noch dich erretten auß deinem vnglückseligen Standt. /c.

Cap. XXXIII.

Wie gefährlich bißweiln die Eltern vnd Freunde seyen einem Menschen/ der numehz dahin stirbt vnd in den letzten Zügen ligt.

Dermaßen groß ist die Vntrew/ vnd dermaßen klein ist die Lieb der Eltern vnd wellichen Freunde/ die sie beweisen den ihrigen/ zumaln/ in ihrem letzten endt/ dz ein solcher armseliger vnd in den letzten Zügen vnd gefährlichen versuchungen des Teuffels mit dem Todt ringender Mensch/ billich kan mit dem Aristotele exclamiren vñ sprechen: **O Freunde/ keine Freunde.** Dann/ an statt/ dz sie ihren kranken Freundt/ in solcher armseligen zeit/ solten helfen mit trost vnd ihn versehen mit denen dingen/ die zum heyl seiner Seelen von nöthen seind/ nemmen sie solches nit in obacht/ sonder/ als grausame Eltern/ vnd vngetrewe Freunde/ vntersiehen sie sich/ ihne zu persuadiren vnd zuüberreden/ das sein Kranckheit nicht seye gefährlich noch ihm gereichen werde

xy 4

zum

zum Tode/ sondern daß es sonsten nur ein gältinge alteration
oder zustandt sey / vnd daß es baldt werde vergehen/ vnd daß
er derwegen nit solle erschrecken. Ja was mehr ist/ damit sie
ihn mögen frölich machen/ so erzehlen sie im vnkeusche ding/
vnd stürzen also in vnkeusche gedancken vnd bewilligungen
die arme Seel/ welche numehr fertig ist aufzufahren vnd vor
dem dem Richterstuhl Gottes zuerscheinen.

118
33

Vnd ob schon der Kranck den Beichtvatter begert/ so
lassen sie ihn doch nit kömen/ sonder sie propheceyen vnd ver-
trösten ihn/ daß er vber kurz werde für sich selbst in die Kir-
chen gehen können/ vnangesehen der arm Mensch immittelst
empfindt/ daß seine Sterck anfangen abzunehmen vnd daß
der Tode allbereit ansetzt sein Ambt zuverrichten vnd ihm
den gar auß zumachen: Also/ dz er gleichwol solte werden er-
mahnt seine Sünd zu beichten/ aber von seinen falsche freun-
den vnd verätherischen Eltern dian wirt verhindert vnd ab-
gehalten. Vnd kan derwegen zu einem solchen faulen vnd
hinlässigen Menschen/ welcher sich drauff verlassen hat daß
er beichten wölle in seinem lesten endt/ eben das jenige gesagt
werden/ was Keyser Tiberius geantwort hat dem Accilio/
welcher sich gegen ihm beklagte vmb dz er all sein Zaab vnd
Güter hatte verzehrt/ nemlich: **Zuspadt bistu erwacht.**
Dergleichē wort können billich gesagt werden zu einem Kran-
cken/ welcher nit allein die Zeit seines lebens verzehrt hat ohne
alle frucht der wahren Bueß/ sondern auch biß in sein lestes
endt gelebt hat in allerhandt Sünd vnd Laster. Vnd der-
wegen kan der Mensch besser nit thun/ als daß er sich bey zeit
ten zu Gott bekehre/ vnd zur zeit der gesundtheit frequentire
die Sacramenten der Bueß vnd communion. Dann dardurch
wirdt er bewegt werden/ zur zeit der krankheit/ die heilige Sa-
cramenten zubegeren: Vnd so gar die Eltern/ weil sie wissen
daß er solche pflegte offtermals zu frequentiren/ werden ihm
alsdann dian nicht verhindern: Vnd ist also hier auß abzu-
nehmen/ was gestalt die Freunde des Leibs (welcher in allweg
muß sterben) sich machen zu Feinde der Seelen/ welche vn-
sterblich ist/ vnd geben ihr/ vermittelst ihren verführungen/
vrsach

ursach/ dz sie felle in den abgrunde der Hölle/ Dann immit-
telst der natürliche Mensch sich speiset mit solchen süßen wort-
ten vnd falschen hoffnung/ daß er noch nicht sterben werde/
stirbt er alsdann vnuersehen dahin / ohne Reicht vnd Bueß.
Daher dann der heilig Augustinus recht vnd wol bezeugt/ daß
einer/ welcher angefochten wirdt von der Kranckheit vnd ers-
chocken vor der Straff/ schwerlich gelangen könne zu der
wahren satisfaction vnd contrition seiner Sünden / zumaln /
wann die Kinder/welche er vber alle maß lieb hat/ gegenwertig
seind/ vnd wann das Weib ihne bewegt mit den dingen
der Welt.

Kein zweiffel ist / daß alsdann die Eltern vnd Freunde/
den Krancken nit allein jr machen mit ihren weltlichen wort-
ten / sondern auch ihn betrüben durch ihre gegenwertigkeit /
oder durch ihr seuffzen / heulen / klagen vnd wainen / vnd
wann sie ihn mit den Zähern küssen oder umbfahen oder lieb-
kosen / so benehmen sie ihm das Hertz dardurch : Aber welcher
Krancker sich von der göttliche Lieb nit begert abzusondern/
sonder seiner Seelen heyl beständiglich in obacht zunehmen/
der muß alle solche ding/ wie ein tödlichs Giffte/ verhasßen /
In betrachtung / daß durch dergleichen küssen / umbfahen /
seuffzen/heulen vñ wainen/ verhindert wirt der gerecht will /
welchen der Mensch haben soll sich contentiren zulassen mit
deme wz sein Schöpffer mit jm thun wil: Sie machen auch/
daß er den Tode desto härtere empfindt/sich erinnerende/ daß
er verlassen muß seine liebe Kinder vnd Freunde: Vnd bes-
schlieslichen/ sie seind ein ursach/ daß er/ wegen ihrer lieb/ vn-
terläßt/ das heyl seiner Seelen in gebührende obacht zunehmen/
sonder damit ihre Kinder nit etwa arm vnd bedürffrig wer-
den/ so vnterläßt er alsdann die schuldige restitution zuthuen/
Vnd in deme derwegen er ihnen verläßt seine vbel gewunnene
Güter/ so verdambt er dardurch sich selbst/ vnd seinen Erben
verlest er ein grosse ursach vnd anlaß der verdammuß: In
massen der S. Antoninus von einem Wucherer erzelt/ welcher
biß in den Tode krank lag/ vnd vnangesehen er von dem
Priester vnd seinen eignen Kindern ermahnt ward das ge-
wucherte Gut zu restituiren/ so wolte er es doch nicht thuen/
Ny iij sonder

sonder gab jnen zur antwort: Meine Kinder/ jhr wißet nicht/ was jhr redet/ dann/ wofern ich alles solte widerum hergeben was ich schuldig bin/ so würdet jhr arm vnd Bettler sein müßsen/ Vnd es ist besser/ dz man Gott vererawe als auf die Barmherzigkeit der Menschen: Vnd in diesem Teufelischen vohaben fuhr er auß diser Welt. Nach seinem Tode sprach der ein Sohn zum andern: Mein Bruder/ du weißt/ dz vnser Vatter gestorben ist in der verdammnuß/ vnd ich halte es nit für rath/ samb/ dz wir seinen unglückseligen Fußstapffen nachfolgen/ Vnd deswegen wollen wir die Güter jhren eignen Heren drumd zustellen/ auff dz wir also mögen selig werden: Sein Bruder aber antwortet vnd sprach: Für mein Person wil ich meinen antheil behaltē/ vnd hat mein Vatter vil gewuchert/ so stehe er sein verdammnuß drumd auß. Als der ander Bruder solches hörte/ restituirte er alsbald seinen Erbheil/ verließ die Welt vnd ward ein Religiosus. Wie nun leslich sein Bruder ebensfals gestorben war in den Lastern seines Vatters/ batte er Gott den Heren ganz inständiglich/ dz er ihm doch wolte offenbaren den Stande seines Vatters vnd Bruders. Vnd es begab sich/ daß er einsmahls/ in wehrendem Gebett/ sahe/ dz sich die Erde auffhate/ mitten in derselben war ein groß höllisch Feuer/ darin lag sein unglückseliger Bruder oben auf seinem Vatter/ vnd lästerten einander: Der Vatter lästerte den Sohn/ vmb daß er von seinent wegen gesamblet hette diese vngerechte Güter/ vmb vmb daß er sie/ damit er nicht arm würde/ nicht hatte wollen restituiren: Hergegen lästerte der Sohn den Vatter/ vmb daß derselb ihm solche Güter hatte verlassen. Eben dieses pflegt offtermals zuwiderfahren allen denen/ welche ihre eigne Seligkeit im windt schlagen/ vmb sich verführen lassen von der zarten vnd vnordenlichen Lieb der irgen.

Bisweiln begibts sich auch zu solchen lesten Zeiten des Menschens/ daß seine Eltern/ Freunde/ Diener vnd Dienerin sich beschweren vnd anfangen zumurren/ vmb dz der Krafft jhnen mehrers nicht hat vermacht/ vnd deswegen ängstigen vmb tribulieren sie jhn/ daß er sein Testament verändern/ daß er newe codicillos machen/ vnd andere verordnung thun solle

solle/ Vnd ob er schon leßlig gnug thut ihren ungestümig-
keiten vnd vnerfettlichem Geitz/ so ist doch kaum ein einiger
verhanden/ der ihn von Herzen liebe/ vnd der nicht gern sehe/
dass er baldt aberucke: Vnd ob schon einer vorhanden ist/
der ihn lieb hat/ vnd ihn gern sehe widerumb auffkommen/
so ist er doch dermassen vnbescheiden/ dass/ in deme er ihn mit
den vilen speisen vnd trincken begert zustercken/ er ihn dar-
durch desto ehender vnd geschwinder zum Todt befördert/
allermassen ein Aff thut/ welcher mit einer solchen vngedul-
tigen lieb seine Jungen an seiner eignen Brust drucket/ dass
ihnen dardurch der Athem aufgehet: Eben also/ sag ich/
pflegen diße Leuth mit einer vngedultigen vnd zarten lieb/
ihren Krancken/ den Todt desto ehender vnd leichtlicher zu-
verursachen.

Andere Leuth findt man/ welche dermassen entblößt
sind aller lieb gegen dem Krancken/ dass sie nicht leyden
mögen/ dass man ihnen etwas geistlichs fürhalte/ sondern
nur eytele Trost vnd weltliche Fabeln/ Vnd lassen nicht zu/
dass der arm Kranck ehender gedenccken könne an sein lestes
endt/ als biß er in solchen terminis gerathet/ dass ers vor lau-
term schmerzen vnd wehetumb nimmer thun könne. Was
ist aber das/ O ihr Christen? Vermeint ihr/ dass er ein bestia
vnd ein Viech sey/ vmb dass ihr nur sehet auff den irdischen
Cörper/ vnd verachtet alle sorg der ewig wehrenden Seelen?
Vnd wo ist die Christliche Lieb/ von dern wegen ihr das
ewige Leben für ewiem Viechsten eben so fleißig schuldig seit
zusuchen als für euch selbst? O wie recht vnd wol hat von
solchen Verräthern vnd Seelmördern geredt der Prophet
sprechend: Ein jeglicher hüte sich vor seinem Nech-
st-
Hier: 9.
sten/ vnd niemandt vertraue seinem Bruder/ dann
alle Brüder werden einander vnterdrucken vnd be-
trügen/ vnd se ein Freundt mit dem andern betrüg-
lich handeln. Ein jeder betrug den andern/ vnd re-
den kein warheit.

Sürmen

fürnemlich aber auch widerfehrt dieses den reichen vnd mechtigen Herren. Dann niemandt der irigen darff sich also dann vntersehen / ihnen etwas von der Reichth oder von der restitution zumelden / sonder all ihr Sinn vnd Gedancken stehet nur dahin / wie sie ihnen mögen lieblosen vnd sie trösten. Aber / leyder / durch dergleichen fürßschwenglerey vnd scherzen / verursachen sie / daß ire Seelen in der vnberedtschafft mit höchster gefahr der verdammnuß von ihnen scheidet. Vnd eben dieses lieblosen vnd schmeichlen ist diser Narren rechter Lohn / welchen sie verdient haben / vmb daß sie / ohne alle fürsorg vnd gnugsame bereitung / ihr Leben hindurch bracht haben in den wollüsten der Welt vnd vnmesigen lieb / auch nichts anders gesucht / als die irigen zuerhöhen vnd zuberreichern.

Diesem allem nach / soll ein fürsichtiger Christ die Lieb gegen seinen eignen Eltern vnd Freunden dermassen moderiren vnd messigen / daß er in seinem letzten ende wenig darnach frage / ob er schon sie muß verlassen: Er soll auch verfügen / daß alsdann bey ihm seyen solche Freunde / welche eines erbarn wandels seind vnd welche nicht allein achtung geben auff die ding / so die gesuntheit seines Leibs betreffen / sonder auch fürnemlich alles das jenige procuriren vñ anstellen / was nochwendig ist zum heyl seiner Seelen.

Cap. XXXV.

Daß der Kranck vmb keines schadens
noch vnlufts willen / sich ergeben solle den
Henden des bösen Feindts.

Nach dem der Widersacher vermerckt hat / daß er mit seinen vnterschiedlichen Künsten / den Krancken nicht hat bewegen können daß derselb die frembde Güter nicht solte restituiren / daß er auch das hertz nicht hat können bewegen / sich seiner Kindern vnd Freunde zuerbarmen vnd